



Universitätsbibliothek Paderborn

Instructio practica ...

De Horis Canonicis Juxta Rubricas Breviarii Romani ritè recitandis - In qua etiam ipsæ Rubricæ Notis brevibus illustratæ, & Martyrologij Romani nomina suis Accentibus signata continentur, Ad Faciliorem Discentium Vsvm Ac Praxin

Lohner, Tobias

Dilingæ, 1676

Tit. VII. De Octavis.

[urn:nbn:de:hbz:466:1-48333](https://nbn-resolving.org/urn:nbn:de:hbz:466:1-48333)

III. Officium Vigiliæ incipit ad Matutinum, sicut dictum est in Superiore Rubrica de Ferijs; terminatur autem ad Nonam, quia Vesperæ sunt de sequenti Festo.

IV. Officium Vigiliæ totum fit de Feria occurrenti, ut in Psalterio; & tres Lectiones leguntur de Homilia in Evangelium Vigiliæ, ut in propriis locis assignatur, g. cum tribus Responsoriiis de Feria occurrenti, ordine in Rubrica de Responsoriiis præscripto. Dicuntur Preces Feriales h. & Commemorationes communes, aliâque omnia, sicut in Feriis Adventûs, Quadragesimæ, & Quatuor Temporum: de quibus & de aliis circa ordinandum ejus Officium habentur inferiùs propriæ Rubricæ.

G. In proprio videlicet Sanctorum, aut in defectu hujus in Communi Sanctorum.

H. Sic dictæ, quia in solis Ferijs dicuntur, & nihil aliud sunt, quàm Versiculi quidam & Responsorii post Cantica in Laudibus & Vesperis, in Minoribus verò Horis post Responsorii brevia dici soliti.

V. Excipitur ab hoc Ordinario Vigiliarum, quæ jejunantur, Vigilia Pentecostes, quæ cum tribus Nocturnis sub Officio Semiduplici celebratur, ut ibi; & Vigilia Nativitatis Domini, quæ, Nocturno Feriæ excepto, in Laudibus & Horis habet reliquum Officium Duplex. In Vigiliis verò Epiphaniæ & Ascensionis, quæ non jejunantur, fit Officium, ut propriis locis notatur.

TITULUS VII.

DE OCTAVIS.

I. **D**E Octava fit Officium, vel saltem commemoratio (quando aliquo Festo vel Dominica impo-

impe-

impeditur) per octo dies continuos. Fit de Octava in Paschate Resurrectionis, in Ascensione Domini, in Pentecoste, in Festo Corporis Christi, in Festis quibus in Kalendario apponitur Octava; item in Festo Dedicationis propriæ Ecclesiæ, & in Festo Principalis Patroni, & Titularis loci vel Ecclesiæ, in Festis aliorum Sanctorum *i.* quæ apud quasdam Ecclesias, Congregationes, & Religiones consueverunt solemniter celebrari, nisi illa Festa venerint in Quadragesima, *k.* quo tempore omittitur Officium cujuscunque Octavæ. Quod si aliquod Festum, quod celebrari solet cum Octava, paulò ante Quadragesimã venerit, etiam si per aliquot dies etiam sit Officium de Octava illius, adveniente Quadragesima nihil ampliùs fit de ea, nec commemoratio. *l.* Et idem servatur de Octavis nondum solutis, quando supervenit Festum Pentecostes & dies decima septima Decembris *n.*

I. Qualis præcipuè est Fundator Ordinis, qui apud Religiosos Patrono primario loci æquiparatur.

K. Quia, cum ibi singulæ Feriæ habeant proprias Massas, non decet eas per prorogationem Festorum impediri, quam ob causam olim nulla Festa in Quadragesima celebrabatur.

L. Quod ita intelligit Gavantus *l. 3. c. 8. n. 9.* ut jam Vesperis debeat omitti Officium de Octava, eò quod sequenti die Matutinum de Octava non sit dicendum, atque nec ipsæ Vesperæ, sed cum eadem Vesperæ non tantum sequenti diei infra Octavam tanquam primæ, sed etiam precedenti diei tanquam secundæ debeantur, non video, cur sub hoc respectu dici debeant.

M. Cum enim à Vigilia Pentecostes usque ad Dominicam Trinitatis propter solemnitatem hujus Festi omne alius Festum, etiam Dedicationis, & Patroni excludatur, magis decet, ipsas etiam dies Octavarum velut Semiduplicium tantum excludi.

N. Quia decet, inquit Gavantus l. c. ut Natalis Domini, sicut Pascha habeat quasi Octavam ante & post, licet non æquali ritu celebratam.

II. In Pascha Resurrectionis & Pentecostes Officium Octavæ terminatur in Sabbato sequenti ad Nonam. *o.*

o. Ob sequens scilicet Festum; & quia ipsa etiam horum Festorum Vigilia solemniori ritu celebrata pro die Octava computari potest.

III. Infra Octavas fit de Festis Duplicibus & Semiduplicibus occurrentibus, ac etiam translatis, ut dicetur infra de Translatione Festorum n. 5. cum commemoratione Octavæ, nisi illa Festa sint de Solemnioribus *p.* enumeratis in sequenti Rubrica de Commemorationibus, in quibus nulla fit commemoratio de Octava, exceptis Octavis Nativitatis, Epiphaniæ, & Corporis Christi, de quibus fit semper commemoratio, quocunque Festo in illis occurrente. Infra Octavas autem Paschæ & Pentecostes non fit de Festo aliquo, etiam Principali Patrono, vel Titulari Ecclesiæ, vel Dedicatione ejusdem, sed transfertur post Octavam. Infra Octavam Epiphaniæ fit tantum de Patrono, vel Titulari Ecclesiæ, & de Dedicatione ejusdem (non tamen in die Octava *q.*) cum commemoratione Octavæ. *r.* Infra Octavam Corporis Christi fit tantum de Duplicibus, non tamen translatis, cum commemoratione Octavæ; de Semiduplicibus verò infra eam non fit, *s.* sed transferuntur post Octavam, ut dicetur in Rubrica de Translatione Festorum. De Simpli- cibus infra quascunque Octavas occurrentibus fit tantum commemoratio, præterquam in duobus diebus post Pascha & Pentecosten, ut dicitur in se-

Instruct. II.

H

quenti

quenti Rubrica de commemorationibus. De Dominicis infra Octavas occurrentibus fit Officium, dictum est supra in Rubrica de Dominicis. Si die Octavæ simul concurrant (ut Octava S. Joannis Baptistæ, & Corporis Christi, vel Octava Patroni, & Titularis Ecclesiæ cum alia Octava) quando fuerint celebranda Festa novem Lectionum, si dies Dominicus, fit Officium de digniori eorum commemoratione alterius. De die autem Octavæ cujuscunque Festi fit totum Officium Duplex cum commemoratione diei infra aliam Octavam. De Festis occurrentibus in die Octava, servetur, quod dicitur in Rubrica de Translatione Festorum.

P. Puta Duplicia primæ vel secundæ Classis.

Q. Hinc istæ duæ Octavæ vocantur Octavæ primæ Classis, quia sunt similes Duplicibus primæ Classis in exclusione Festorum.

R. Et propterea vocatur Octava secundæ Classis.

S. Ob quam causam Octava tertiæ Classis appellatur.

T. Dignitas autem ista ex diversitate Classium desumenda est; in eadem autem classe Personæ hoc ordine attenduntur juxta Gavantum l. 3. c. 8. n. 6. ut primum locum dignitatis obtineat Christus, secundum B. Virgo, tertium S. Joannes Baptistæ, Apostoli, Martyres &c. juxta Litaniarum ordinem, Dedicacionis verò Octava dignior quoque, quam Patroni & Titularis censenda fit.

IV. Officium de Octava fit cum tribus Nocturnis, novem scilicet Psalmis, & novem Lectionibus (exceptis Octavis Paschæ & Pentecostes, in quibus fit cum uno Nocturno, ut suis locis ponitur) & omnia dicuntur, sicut in die Festi. *u.* præter Lectiones, quarum primæ tres semper sunt de Scripturis occurrente in Officio de Tempore. *x.* præterquam infra Octavam Assumptionis B. MARIÆ, in quibus

singulis diebus sunt positæ Lectiones propriæ de Canticis Canticorum; aliæ Lectiones secundi & tertij Nocturni dicuntur, quæ infra Octavam positæ sunt. Infra Octavam verò Patroni vel Titularis Ecclesiæ, aut alterius Festi, quod in aliquibus Ecclesiis consuevit cum Octava celebrari, si apud illas Ecclesias non habentur propriæ & approbatæ Lectiones pro secundo & tertio Nocturno infra Octavam, repetantur Lectiones positæ in Comuni Sanctorum, si de Sanctis fiat Octava; alioquin Lectiones diei Festi.

V. Excipe Epiphaniæ Octavam, in qua non omittitur Invitatorium cum Psalmo *Venite*, sicut in ipso Festo omittitur.

X. Intellige de solis diebus infra Octavam; nam ipsâ die Octava in primo Nocturno Lectiones Festi reassumuntur, ut in Rubrica de Lectionibus n. 9. dicitur.

V. Infra Octavam Officium fit Semiduplex *a.* in die Octava Duplex; In Vesperis infra Octavam omnia dicuntur, sicut in secundis Vesperis Festi *b.* & in primis Vesperis diei Octavæ omnia, sicut in primis Vesperis Festi, nisi aliter in propriis locis notetur.

A. Excipe Feriam secundam & tertiam Octavæ Paschæ & Pentecostes.

B. Non tamen duplicantur Antiphonæ, sicut in Vesperis Festi.

VI. Infra Octavam non fiunt Suffragia consuetæ de Sanctis: nec dicuntur Preces ad Primam & Completorium, *c.* etiamsi fiat Officium de Dominica, vel Festo Semiduplici. In aliis quomodo ordinandum sit Officium de Octava, habentur inferiùs propriæ Rubricæ.

C. Quia, cum dies Octavæ sint prorogatio Festi, decet,

ut, sicut in ipso Festo hæc Suffragia & Preces excluduntur
ita nec in diebus infra Octavam admittantur.

TITULUS VIII.

DE OFFICIO S. MARIE IN SABBATO.

I. **I**N omnibus Sabbatis per annum extra Adventum, Quadragesimam, &, nisi Quatuor Tempora aut Vigilæ occurrant, vel nisi fieri debeat Feria propter Officium alicujus Dominicæ aliquando infra hebdomadem ponendum, ut in Rubrica de Dominicis dictum est; & nisi fiat Officium novem Lectionum, vel de Pascha & Pentecostes, semper fit Officium de S. MARIA eo modo, quo fit in Festo Simplici, *d.* quemadmodum circa finem Breviarj disponitur. De Festo autem Simplici in Sabbato occurrente fit tantum commemoratio.

D. A Capitulo scilicet Vesperarum præcedentis diei cum tribus Lectionibus, ut n. 3. clarius dicitur.

II. **C**um verò supradictis diebus fieri non potest Officium de S. MARIA, nulla etiam fit commemoratio de ea propter Sabbatum, sed tantum in Simplicibus (quando ejus Officium parvum non dicitur *e.*) fit consueta ejus commemoratio per annum cum aliis Suffragiis positis in Psalterio per Vesperas Sabbati.

E. Nam in eo casu non fit commemoratio de illa Suffragia, cum mox integra Hora de illa dicenda fit; deceat autem de eodem simul commemorationem & Officium fieri, nisi B. V. sit Titularis Ecclesiæ.

III. **E**jus Officium in Sabbato incipit Feriâ secundâ ad Modum Festi Simplicis à Capitulo, & terminatur ad Nonam Sabbati. Si autem Feriâ sextâ occurrat Officium novem Lectionum, in Vesperis fit